

صاحبی، مدیری، محرری :



اسلامك نفعنه خادم مقالات  
مع الت شكر قبول ونشر اولونور  
يازانك شخصيتي دكل، يازينك احميتي  
نظر دفته آئينير .

كلن يازيلردن شايد قبول كورولنلر:  
تاويح صيراسيله درج ايديلير .

# محفصل

## ۱۳۳۸

علمی، ادبی، اجتماعی و شمیم بلك شهرى  
مجموعه در

۱۳۴۰ ربیع الاولنه مخصوص نسخه

عدد : ۱۷

جلد : ۲

اداره خانه سی: شهرزاده باشندہ

تعالی اسلام

جمعیتی مرکز عمومیسی

مرکز توزیعی :

باب عالی جاده سنده (اتحاد

تجارت) کتبخانه سی

آبونه بدلی :

سنه لکی ۱۲۰۰ غروش

آلتی آلتی ۶۰

اویچ آلتی ۳۰

ممبرجات :

محفصل علمی و تصوفی : دیانت اسلامیة افعال بشریة ایله اولچوله من - اسکلیلی محمد عاطف . توکل ورمی - طاهر المولوی .

محفصل انتقادى : اوروبا علماسنك دین اسلام حقننده شهاداتی - رضا .

محفصل ادبی : ادبیات صوفیه، حکیم سنایی، شیخ عطار، حضرت مولانا - فرید . نعت شریف - سعود المولوی .  
تخمیس - کمال الدین پری . برمنظومه - احمد شیرانی . شاعر ایله نباش - م . انور . غزل -  
یشار شادتی .

محفصل تاریخی : ابوذر غفاری - طاهر المولوی . معتقدات جاهلیه - مستجابی زاده عصمت بک -  
حسن و عشق و هند ماصالری .

منطق الطير او قوماعه باشلادی مرغ چن  
کوشه کازار شمدي طبله عطاردر

باقی

### مولانا جلال الدین رومی

نسباً حضرت صدیقه منتهی ، غایت اصیل ،  
غایت کبار بر عائله به منسوب اولوب « بلخ » ده  
دوغمشدر . ( ۶۰۴ ) پدر عالیری بهاء الدین ولد که  
( سلطان العلماء ) لقب فاخریه مشهوردر . زمانک اک  
بویوک عالمردن ، اک بویوک شیخلرندن اولدیغی  
جهتله بر جوق کسه لر علم و فضلندن ، علی الخصوص  
برکات انفاس قدسیه سندن مستفید اولمق ایچون  
کندیسنه انتساب اتمشیر ایدی . خوارزمشاهیاردن  
« جلال الدین محمد » اک خواجه سی « فخر الدین رازی »  
سلطان العلماءک خلقندن بودرجه حرمت کورمه سنی  
چکه مدیکندن جلال الدین شاهک وهمنه دوقونه جق  
بعض القا آتده بولندی . بونک نتیجه سی ده بهاء الدین  
ولدک بلخدن مفارقتی استلزام ایتدی .

جناب مولاناک « رومی » لقبیه اشتها ری پک  
کوچک ایکن بدریله قونییه کلوب اوراده توطن  
ایتمسنددر .

دها درجه سنده بر ذکایه مالک اولان حضرت  
مولانا ، زمانک اک کزیده عالمردن تحصیل علوم  
ایده رک قون متداوله نک همان کافه سنده مشار  
بالبنان اولمش ایدی . « شمس تبریزی » ایله ملاقی  
اولدقدن صو کرا کندیسنده بشقه بر نشوه حاصل  
اولدی . مشوی عنوانی معظم اثریله آتار سائر سی  
اونشوه نک ، اولاهوتی جذبه نک محصولیدر .

جناب مولانا بشقه بر استعداد ایله مجبول  
اولدیغندن ، هر کسک کوردیکی ، بیله دیک شیلرک  
ضمقنده ، کیمسه نک کورمه مدیکی ، کورمه میه جکی شیلری

طریق فاقه ده همکفش اولوب سنائی به  
جناب کلخی لایخواره دک کیده رز .

نائبی قدیم

### فریدالدین عطار

فریدالدین عطار ، نیشاپور کویلرندن ( کدکن )  
ده دوغوب همزینک یکر می طقوز سنه سنی نیشاپورده ،  
سکسان بش سنه سنی ( شادباخ ) ده کچیرمش ، جنکین  
فترقی انساننده اسارت صورتیله اله دوشدیک  
بر مغول نفری طرفدن شهید ایدلمشدر ( ۵۸۶ ) .  
کنجلیکنده ، پدرینک شیخی اولان کبار صوفیه دن  
( قطب الدین حیدر ) ک مجلسنه دوام ایله استفاضه  
ایتمش ، شیخک صحبتندن دویدیغی نشوه معرفتک  
تأثیر یله ، کاروبار عالمدن ال چکه رک عبادات و مجاهداته  
وقف وجود ایلشدر .

ادبیات صوفیه نک بورکن رکنی ، دها درجه سنده  
بر ذکایه مالک ایدی . آثار صوفیه نک قسم اعظمی  
مطالع له زماننده کی ارباب معرفتک علم و فضلندن  
استفاده ایله خداداد اولان استعدادینی تمیه  
ایتدیک ، علی الخصوص پک خلق ، پک ادیب  
بر مرد الهی اولدیغی جهتله هر کسک حرمتنه  
مظهر اولمش ایدی .

شیخک تزیه قریحه سندن ، ولود قلمندن بر جوق  
قیمتدار اثرلر چیقمشدر . بونلرک مملکت مزجه اک  
مشهور اولانلری ( منطق الطیر ) ایله ( بندنامه ) در .  
قرق بیک بیی احتوا ایدن دیوانیله آتار سائر سنک  
حاوی اولدیغی بیتلرک مجموعی یوز بیکی متجاوزدر .  
بعض اثرلری ضیاعه اوغرامشدر . لطافت و سلاست  
فوق العاده لرندن دولایی اثرلرینه سهل ممتنع  
دییه بیلیرز . سویله دیک سوزلر ، مزکی بر روحدن  
مصنی بر قلبدن ترشح ایله دیکندن قلب و روح  
اوزرنده بویوک بر تأثیر اجرا ایدر .